

增壹阿含經

古籍

才三十八

如八

二百六十九

4944

9




元祿九年丙子二月日重修

皇國聖國 帝潛殿昌

佛日增輝 轉輪常轉

山城州天安寺法金剛院置



增壹阿含經卷第三十八

符秦建元年三藏曇摩難提譯

馬血天子品第四十三



聞如是一時佛在舍衛國祇樹給孤獨園馬
血天子非人之時至世尊所頭面禮足在一
面立念時天子白世尊言向者生此念在地
步度可盡此世界不平我今問世尊可以步
盡世界不耶世尊告曰汝今以何義
此問天子白佛言我昔日一時至婁伽梵天
所是時梵天遙見我來而語我言善來馬血
天子此處無為之境無生無老無病無死無
終無始亦無愁憂苦惱當我今時復作是念



此是涅槃道耶何以故涅槃之中無生老病死愁憂苦惱此是世界之極邊耶設當是世界邊際者是為世間可步度也世尊告曰汝今神足為何等類天子白佛狂如力士善於射術箭去無礙我今神足其德如是無所罣礙世尊告曰我今問汝隨所樂報之猶如有四界男子善於射術然彼四人各向四方射設有人來意欲盡搃四面之矢使不隨地云何天子此人極為捷疾不耶乃能使箭不隨地天子當知上日月前有健步天子行未進止復踰斯人之捷速也如彼人及天子捷疾然日月宮殿行甚於斯計彼人天子及日月

宮殿疾故不如三十三天之速疾也計三十
三天疾不如艷天之疾如是諸天所有神足
各各不相知假使汝今有此神德如彼諸天
從劫至劫乃至百劫猶不能盡世境界也所
以然者地界方域不可稱計天子當知我過
去久遠世時曾作仙人名為馬血與汝同字
欲愛已盡增一三十八飛行虛空無所二觸礙我今時神足
與人者異彈指之頃已能攝此四方使箭令
不隨落時我以有此神足便作是念我今能
以此神足可盡地境邊際半即步世界而不
能盡其方域命終之後進德修業而成佛道
坐樹王下端坐思惟昔經歷所施為事本為

仙人以此神德猶不能盡其方面當以何神
力而得究其邊際乎時我復作是念要當乘
賢聖八品徑路然後乃得盡生死邊際彼云
何名為賢聖八品徑路所謂正見正治正語
正業正命正方便正念正三昧天子又知斯
名賢聖八品道得盡世界之邊際指過去恒
沙諸佛得盡世界者盡用此賢聖八品道而
究世界正使將來諸佛世界尊出現世者當以
此賢聖之道得盡邊際今時世尊便說此偈
步涉無究竟 得盡世界者 地禪不可稱
非神足所及 凡夫施設意 於中起迷惑
及到真正法 流轉五道中 賢聖八品道

以此為舟舩 諸佛之所行 而究世界邊

正使當來佛 彌勒之等類 亦用八種道

得盡於世界 是故有智士 修此賢聖道

晝夜習行之 便至無為處

是時馬血天子從如來聞說賢聖八品道即

於塵^增積塵垢盡得法眼淨今時天子即次

頭面^增禮足^增遠佛三^增帛便退而去是時彼天子

昂其肩以天種種好華散如來上時說斯偈

流轉生死久 欲步度世界 賢聖八品道

不知又^增不見 今我以見稀 又聞八品道

便得盡邊際 諸佛所到處

金時世尊可彼天子所^增就時彼天子以見佛

可之即礼世尊足便退而去今時彼天子聞
佛所說歡喜奉行

聞如是一時佛在舍衛國祇樹給孤獨園余
時世尊告諸比丘我今當說賢聖八關齋法
汝等善思念之隨而奉行今時諸比丘從佛

受教尊告曰彼云何名有八關齋法一者
於殺生者不得犯不與取三者不淫四者

不妄語五者不飲酒六者不過時食七者不

處高廣之林八者遠離作倡妓樂香華塗身

是智比丘名有賢聖八關齋法是時優波離

白佛言云何修行八關齋法世尊告曰於是

佛以離若善男子善女以於八月十四日十

五日往詣沙門若長老比丘所自稱名字從
朝至暮如所羅漢持心不移動刀杖不加群
生普慈於一切我今受齋法一無所犯不起
殺心習彼真人之教不盜不淫不妄不飲
酒不過時食不在高廣之座不習作倡妓樂
身設有智慧者當作是說假令無智
者當效彼如此增一才三十八之教又彼此四比丘當一一相授
無令失次亦莫超越復當教使發誓願優彼
離白佛言云何當發願世尊告曰彼發願時
我今以此八關齋法莫墮地獄餓鬼畜生亦
莫墮八難之處莫處邊境莫墮凶弊之處莫
與惡知識從事父母專心無習邪見生中國

中聞此善法分別思惟法法成就持此齋法
功德攝取一切衆生之要以此功德慧施彼
人使成益上正真之道持此誓願之福施成
三乘使不中退復持此八關齋法用學佛道
辟支佛道阿羅漢道諸世界學正法者亦習
此業心使將未彌勒佛出現世時如來至真
心覺值遇彼會使得時度彌勒出現世時
聲聞三會初會之時九十六億比丘之衆第
二之會九十四億比丘之衆第三之會九十
二億比丘之衆皆是阿羅漢諸漏已盡亦值
彼王及國土教授所作如是之教無令缺漏
是時優波離自世傳言說彼善男子善女人

雖持八關齋於中不發誓願者豈不得大功
德乎世尊告曰雖獲其福福不足言也所以
然者我今當說過去世時有王名寶岳以法
治化每有阿曲領此閻浮境界今時有佛名
曰寶藏如來集真等正覺明行成為善逝世
間解無上道法御天人師号佛衆祐出現於
世彼王有女增一才三十八名牟尼顏貌殊特面如桃李色
皆由前世供養諸佛之所致也今時彼佛亦
復三會初聲聞會之時一億六萬八千之衆
身二之會一億六萬之衆第三之會一億三
萬之衆皆是所羅漢諸漏已盡是時彼佛與
諸弟子說如此之在諸比丘當念坐禪勿有

懈怠復求方便誦習經戒彼佛侍者名曰滿
願多聞身一如我今日阿難比丘多聞最勝
時彼滿願比丘白寶藏佛言諸有比丘諸根
剛鈍亦不精勤於禪定之法又不誦習今日
世尊欲安此人者何聚中寶藏佛告曰設有
比丘諸根剛鈍不堪任行禪法者當修三上
人於業云何為三所謂坐禪誦經佐助衆事
如是彼佛與諸弟子說如此微妙之法今特
有長老比丘亦不堪任修行禪法時彼比丘
便作是念我今年衰長大亦不能修其禪法
今當求願行勸助之法是時彼長老比丘入
野馬城中求燭火麻油芻束供養寶藏如來

使明不斷是時王女年泥見此長老比丘里
巷乞求即問彼比丘曰比丘今日為何所求
比丘報曰聖王女當知我年衰邁不堪行禪
法故求乞脂油用供養佛續尊之明是時彼
女聞佛名号歡喜踊躍不能自勝自彼長老
比丘曰汝今比丘勿在餘處乞求我自相供
給麻油燈增一才三十八炷六盡相慧施是時長老比丘受彼
女施以未取油供養寶藏如來持此功德福
業施與無上正真之道口自演說年既衰大
又復鈍根益有智慧得行禪法持此功德之
業所生之處莫隨惡趣使將來世值遇聖尊
如今寶藏如來無異亦遇聖眾如今聖眾而

每有異說法亦當如。今每異是時寶藏如來。知彼此丘心中所念。即時便笑。口出五色光。而告之曰。汝今此丘。如來至真等正覺。是時長老作佛。号曰燈光如來。至真等正覺。是時長老此丘。教表踊躍。不能自勝。身心堅固。意不退。轉顏色常勝。不與常同。時彼牟尼女人見彼。此丘顏貌殊特。昂前問曰。此丘今日顏色極。為殊妙。不與常同。得何意故。此丘報曰。王女當知。向者如來以耳露見灌。牟尼女問曰。云何。如來以耳露見灌。此丘報曰。我為寶藏如來。所授決言。指來無數。阿僧祇劫。當得作佛。号曰燈光如來。至真等正覺。身心牢固。意不。

退轉如是王女為彼如來之所授法也。王女
問曰彼佛頗授我決乎。長老比丘報曰我亦
不知為授汝。若不是時王女聞比丘語已即
乘羽寶之車往至寶藏如來所。頭面禮足在
一面坐。今時王女自佛言我今是檀越施主
所須脂油恒相供給。然今世尊授彼比丘決
獨不見授。若增一才三十八寶藏如來告曰發心求願其福
難量。何況以財惠施乎。牟尼女報曰設當知
未不授我。若當自斷其命。恨寶藏如來報
曰夫處女人之身求作轉輪聖王者終不獲
也。求作帝釋者亦不可獲也。求作梵天王者
亦不可得也。求作魔王者亦不可得也。求作

如未者亦不可得也。女曰：我定不能得成。無
上道乎？寶藏佛報曰：能也。年尼女成，無上正
真道也。然王女當知，指未來無數阿僧祇劫，有
佛出世，是汝善知識。彼佛當授汝決，是時王
女自彼佛言，受者清淨，施主福溥，乎寶藏佛
告曰：吾今所說者，心意清淨，發願牢固，是時
王女，捨已，即從座起，頭面禮足，遠佛三由旬，
退而去。優波離當知，無數阿僧祇劫，燈光佛
乃出現於世，治在鉢頭摩大國，與大比丘衆
十六萬八千衆俱。國王人民，悉來承事。是時
彼國有王，名提波延那，以法治化，領此閻浮
境界。是時彼王，請佛及比丘僧，而飯食之。是

時燈光如來清旦著衣持鉢將諸比丘眾入
 城今時有梵志子名曰弥佉顏色端正眾中
 獨出像如梵天通指經藏靡不貫練指書呪
 術皆悉明了天文地理靡不了知是時彼梵
 志遙見燈光如佛耑顏貌殊特世之奇異指根
 寂定三十二相八十種好在巖其身見已便
 發喜豫之如增一才三十八意善心生焉八書籍所載如來出現
 甚為難遇時時乃出猶如優曇鉢華時乃有

耳我今當往試之是時梵志手執五華往至
 世尊所復作是念其有三十二相者名曰成
 佛即以五莖華散如來上又求三十二相唯
 見三十相而不見二相即興狐疑今觀世尊

不見廣長舌及陰馬藏印時說此偈

聞有三十二大人之相貌今不見二相

相好為具不頗有陰馬藏負潔不垢乎

豈有廣長舌舐耳覆面手為我現具相

斷諸狐疑結陰馬及舌相唯願欲見之

是時燈光佛即入三昧定使彼梵志見其二

相是時燈光佛復出廣長舌左右舐面放火

光即還從頂上入是時梵志見以來有三十

二相具足見已歡喜踊躍不能自勝並作是

說唯願世尊當見觀察我今持五華奉上如

來又持此身供養聖尊發此誓願時彼五華

在空中化成寶臺極為殊妙四柱四門彼時

見交露臺已歡在踊躍不能自勝發此誓願
使我將來之世作佛當如燈光佛身于翼從
皆悉如是是時燈光佛知彼梵志心中所念
即時便笑指佛世尊常法若授決時世尊笑
者口出五色光明遍照三千大千世界是時
光已照三千大千世界日月無復光的還
從頂上入如增一才三十八設九來授決之時光從頂上入設
授辟支佛決時光從口出還入耳中若授聲
聞前若光從眉上入若授生天之決者是時
光從臂中入若前生人中者是時光明從
兩脇入若授生餓鬼決者是時光明從腋入
若授生畜生決者是光明從膝入若授生地獄

決者是時光明從脚底入是時梵志見光從
頂上入歡喜踊躍不能自勝即布髮在地並
作是說設如來不授我決者即於此處自斷
壞不成諸根是時燈光佛知梵志心中所念
即告之曰汝速還起將來之世當成作佛号
釋迦文如來至真等正覺是時摩訶聞佛授
決已心懷踊躍不能自勝即於彼處得遍現
三昧踊在虛空去地七仞叉手向燈光如來
汝優波離莫作異觀今時寶藏如來時長老
比丘豈是異人乎今時燈光如來是也今時
王女牟尼今我是也今時寶藏如來立我名号
字釋迦文我今以此因緣故說此八開齋法

當發誓願。誓願不果。所以然者。若彼女復作
是誓願。即於彼劫成其所欲也。若長老比丘
不發誓者。終不成佛道。誓願之福。不可稱記。
得至耳露滅盡之處。如是優波離。當作是學。
今時優波離。聞佛所說觀喜奉行。
聞如是。一時佛在摩訶國界。與大比丘眾五百
百人俱。漸如漸增江水才三六側。今時世尊見江水中有
大材木。為水所漂。即坐水側。一樹下坐。今時
世尊告諸比丘。汝等頗見木為水所漂乎。諸
比丘白佛。唯然見之。世尊告曰。設當此木不
著此岸。不著彼岸。又不中沒。復不在岸上。不
為人所捉。復不為非人所捉。若復不為水所

迴轉復不寫腐敗者便當漸漸至海所以然者
海者諸江之原本汝等比丘亦是設不著
此岸不著彼岸又不中沒復不在岸上不為
人所捉不為非人所捉亦不為水所迴轉亦
不腐敗當漸漸至涅槃處所以然者涅槃者
正見正治正法正業正命正方便正念正定
是涅槃也有本今時有牧牛人名曰難陀憑
杖而立是時彼牧牛人遙聞如來所說漸來
至世尊所而立今時牧牛人白世尊言我今
亦不著此岸不在彼岸又不中沒復非在岸
上不為人捉復非為非人所捉不為水所迴
轉亦非腐敗漸漸當至涅槃之處唯願世尊

聽在道次得作沙門世尊告曰汝今還主牛
已然後乃得作沙門年牧牛人難陀報曰斯
牛哀念犢故自當還家唯願世尊聽在道次
世尊告曰此牛雖當還家故須汝往付授之
是時牧牛人即受其放往付牛已還至佛所
白世尊言今已付牛唯願世尊聽作沙門是
時如來如即增作沙門受具足三十一戒有一異此丘
白世尊言云何為此岸云何為彼岸云何為
中沒云何在岸上云何不為人所捉云何不
為非人所捉云何不為水所迴轉云何不腐
敗佛告此丘曰此岸者身邪也彼岸者身邪
滅也中沒者欲愛也在岸上者五欲也為人

所捉者如有族姓子發此誓願持此功德福
祐作大國王若作大臣非人所捉者如有此
丘有此誓願生四天王中及诸天中而行梵
行我今持功德生诸天之中是摺名為非人
所捉為水所迴轉者此是邪疑也腐敗者邪
見邪治邪業邪命方便邪念邪定此致
是腐敗也
是時難陀比丘在閑靜處而自修剋所以族
姓子剃除鬚髮出家學道者修無上梵行生
死已盡梵行已立所作已辦即於座上成阿
羅漢今時難陀聞佛所說歡喜奉行
聞如是一時佛在羅閱城迦蘭陀竹園所與

大比丘衆五百人俱。今時提婆達多已失神
足。阿闍世太子日遣五百釜食而供養之。是
時衆多比丘聞提婆達多已失神足。又為所
闍世所供養。共相指指佛所頽面。礼足在一
面坐。是時衆多比丘白佛言。提婆達多者極
大威力。今者阿闍世王所供養。日遣五百釜
食。今時增一才三十八世尊聞此語已。告諸比丘。汝等莫興
此意。貪提婆達多比丘利養。彼愚人由此利
養。自當滅亡。所以然者。於是比丘提婆達多
所以出家學者。不果其願。比丘當知。猶如有
人出其村落。手執利斧。往詣大樹。先意所望
欲望大樹及其。到樹持葉。還家時。智者見河

之曰汝今竟不得其實方持業還今此比丘
亦復如是貪著利養由此利養向他自譽毀
訾他人此比丘所行宜則不果其願彼由此利
養故更不求方便起勇猛心如彼人求實不
得為智者所棄設有比丘得利養已亦不自
譽得不毀他人或時復向他人自稱說我是
持戒之人彼是犯戒之士此比丘所願者而不
果獲如人捨根持枝還家智者見已此人雖
持枝還家然不撤根此中比丘亦復如是以
得利養奉持戒律并修梵行好修三昧彼以
此三昧心向他自譽我今得定餘人無定此
比丘所應行法亦不果獲猶如有人求其實未

往至樹望其寔捨其枝葉取其根拈還智者
見已便作是况此人別其根今此比丘亦復
如是興起利養奉持戒律亦不自誇復非毀
他人修行三昧亦復如是漸行智慧夫智慧
者於此法中最高第一提婆達多比丘於此
法中竟不獲智慧三昧亦復不具戒律之法
有一比丘如增一才三十八自增一才三十八尊言彼提婆達多者十三不
解戒律之法彼有神德成就措行有此智慧
云何不解戒律之法有智慧則有三昧有三
昧則有戒律世尊告曰戒律之法者世俗常
數三昧成就者亦是世俗常數神足足飛行者
亦是世俗常數智慧成就者此是第一之義

是時世尊便說此偈

由禪得禪足 至上不究竟 不獲益為際

還墮五欲中 智慧為最上 益憂益所慮

究畢獲等見 斷於生死有

比丘當知以此方便知提婆達多不解戒律

之法亦復不解智慧三昧之行汝等比丘莫

如提婆達多_下貪著利養夫利養者墮下惡處

不至善趣以著利養便習邪見離於正見習

於邪治離於正治習於邪語離於正語習於

邪業離於正業習於邪命離於正命習於邪

方便離於正方便習於邪念離於正念習於

邪定離於正定是故此比丘若起利養之心則

於淨亦受於不淨屎尿穢惡皆悉受之然地
不起增減之心不言此好此醜汝今所行亦
當如是設為賊所擒獲莫生惡念起增減心
亦如是地水火風亦受於惡亦受於好都無增
減心起慈悲表護心向一切衆生所以然者
行善之法猶可捨之何況惡法而可散習猶
如有人遭恐難處欲求度難處至安隱處隨
意馳走求其安處彼見大河極為深廣亦無
船橋而可得渡至彼岸者然所立處極為恐
難彼岸無有今時彼人思惟方計今此河水
極深且廣無由得渡今可收拾材木草葉縛
椽束渡依此椽已從此岸得至彼岸今時彼

人即收拾材木草葉縛材束渡依此棧已從
此岸得至彼岸彼人已渡岸復作是念此棧
於我多所饒益由此棧得濟厄難從有恐之
地得至無為之處我今不捨此棧持用自隨
云何比丘彼人所至到處能用此棧自隨乎
為不能耶諸比丘對曰不也世尊彼人所願
今已果如獲復用增棧自隨不乎十五佛告比丘善哉猶
可捨何況非法今時有一比丘白世尊言云
何當捨於法而況非法我等豈非由法學道
乎世尊告曰依憍慢慢減憍慢慢增上慢自
慢邪見慢慢中慢慢增上慢以無慢減慢慢減
無慢正慢慢減邪慢慢增上之慢盡減四慢我音

未成佛道坐樹王下時便生此念欲界之中
誰最豪貴我當降伏已降伏此欲界之中天
及人民皆悉靡伏時我復重作是念聞有弊
魔波旬今當與彼戰以降波旬一切憍慢豪
貴之天一切靡伏時我比丘於座上笑使魔
波旬境界皆悉震動虛空之中聞說偈聲
捨真淨王法 出家學平等 設剋賓願者
空此三惡趣 我今集兵衆 瞻彼沙門顏
設不用我計 執脚擲海表

增壹阿含經卷第三十八

如

元祐十六年癸未春二月十二日大藏重修比丘照山是
和位山精舍書寫以此功德普及於一切物等共與

生皆共師佛道

